

奏稿

卷

五十四
五十五

李文忠公奏稿

卷之五十四目錄

商局船業全數收回摺

光緒十一年六月初八日

羅臻祿等收回乾軍弁勇片

光緒十一年六月初八日

剝船困守籌給津貼片

光緒十一年六月初八日

議覆開源節流摺

光緒十一年六月十四日
附條議

臺灣轉運仍請給獎片

光緒十一年六月十四日

豫岸仍請加耗摺

光緒十一年六月十四日

快船難撥赴臺片

光緒十一年七月初二日

周盛傳請卹摺

光緒十一年七月初六日

周盛波留統盛軍片

光緒十一年七月初六日

輪船修工核扣薪糧摺

光緒十一年七月初八日

覆陳直省出入款項摺

光緒十一年七月初八日

舉辦團練獎敘片

光緒十一年七月初八日

李元華請卹片

光緒十一年七月初八日

雷正綰請發柴草價片

光緒十一年七月初八日

機器局報銷摺

光緒十一年七月二十六日

工賑清單片

光緒十一年七月二十六日

送李昞應回國摺

光緒十一年八月十五日

法國陸路通商片

光緒十一年八月十五日

肄習西學仍請給獎片

光緒十一年八月十五日

創辦電報請獎摺

光緒十一年八月十五日

盛宣懷請獎片

光緒十一年八月十五日

陳允頤總辦朝電片

光緒十一年八月十五日

奏保謝家福片

光緒十一年八月十五日

李文忠公奏稿卷五十四

全集一之五十四

桐城吳汝綸編錄

商局船業全數收回摺

光緒十一年六月初八日

奏爲招商局暫售船產業於法約定後仍照原議剋期全數收回
恭摺仰祈

聖鑒事竊去夏法提督統率兵艦來華恫喝肆擾海疆不靖招商
局輪船駛行洋面日有戒心法人徧布謠言遇船劫奪船貨成本
太重眾商懼遭不測之禍遂議仿照西國通例暫售與美國旗昌
行主代爲經營換用美旗俾可照常駛行以保眾商成本其價照
原值銀兩以銀票如數抵給經道員馬建忠與英國律師担文及
旗昌反覆商論俟中法事定將銀票給還旗昌仍由局收回船產
兩不失信馬建忠因與眾商定議暫售寫立合同契據經臣於上

年七月閒詳細奏報奉

旨俟事定後務當卽行收回等因欽此九月閒旗昌行東士米德來津臣復飭道員盛宣懷與該行東預行妥商堅訂屆期收回密約欽奉十月二十四日

寄諭招商局暫售他人係馬建忠經手著俟該員回津後卽將收回一事嚴切責成妥爲辦理等因今年法約定後遵卽責成該員並派盛宣懷會籌妥辦欽奉四月二十九日電

旨著懷遵前旨將招商局輪船迅速收回其如何辦理之處卽行覆奏等因欽此又經轉飭遵照旋據稟稱盛宣懷於四月二十三
四日傳知旗昌行東士米德豫備一切該行東來津允遵原議辦理馬建忠亦由滬至津會同籌議磋商月餘該行東願按原價倒賣與招商局彼此訂立合同畫押爲據定於本年六月二十一日

起換旗契船隻有去上海較遠不及調回者卽在別埠換旗至七月初一日將輪船棧房碼頭各項產業悉照原盤收回仍歸商局員董自辦旗昌原給銀票依舊付還其原立售契密約帶回上海於各項收清後彼此交還銷廢至旗昌代商局墊付款項帳目亦卽分別核算清結該洋東素講信義此次保護商局力踐前言頗自言勞亦殊於大局有益經盛宣懷馬建忠與之議明由商局延充總查董事遇事襄助每年送給薪水銀五千兩三年爲限以資酬答期滿後或去或留悉聽局中眾商主持不致再有輾轉伏查輪船招商局爲中國商務大端前以法人起衅暫將船產售與旗昌原係萬不得已之舉今幸中法事定仍照原議剋期全數收回洵足張

國體而協商情堪以仰慰

奏稿五十四
聖廕除遴派員董認真整頓經理力除積弊將一切因革變通事宜妥細籌定次第清理外所有招商局收回緣由理合恭摺由驛覆陳伏乞

皇太后

皇上聖鑒謹

奏

羅臻祿等收回乾軍弁勇片

光緒十一年六月初八日

再幫辦福建軍務前陝甘督臣楊岳斌所部弁勇前乘平安輪船渡臺被法國兵船擄去七百餘人臣於法約定後與該國公使巴德諾議明全數釋回其中國軍營拏獲法國弁兵及因案牽涉之人該公使亦請釋放當經奏奉

諭旨允准著臣迅派妥員前赴澎湖會商法兵官將擄去弁兵妥為收回等因欽此旋據巴德諾函開接該國水師提督利士比電稱前截獲平安輪船弁兵在基隆者百名已就近釋放在澎湖者四百餘名及運往西貢二百五十名不日回澎俟中國委員到日交還另有拏獲臺灣澎湖人二十二人一併交還即請將中國俘獲該國兵士及牽涉之人釋放等情經臣電致各督撫臣查照辦理一面遴派候選中書科中書羅臻祿洋員津海關副稅務司馬

士乘坐利運輸船馳赴廈門稟商福建水師提督彭楚漢加派熟識乾軍員弁同往澎湖妥辦旋據羅臻祿馬士稟稱該員等於五月十六日抵廈門與彭楚漢並楊岳斌委員前赴澎湖會商法兵官卽於十八九日將平安輪船所載弁兵王仁和周文翔方國清等二百五十名又弁兵湯賢博等四百六十三名又臺灣澎湖商民九十名共八百三名全數收回並無被傷短少卽由輪船運至廈門並據彭楚漢來文已將該弁兵商民八百三人照單按名點驗分別住候安插等因前來除咨總理衙門查照外查羅臻祿等疊經派辦洋務交涉事件均稱得力此次航海遠役親至澎湖法營會商法提督利士比將乾軍弁勇全數收回並無被傷短少又於巴德諾原函之外收回商民數十人辦理甚爲妥速保全兵民多命實屬勞績卓著擬懇

天恩將候選中書科中書羅臻祿以同知不論雙單月儘先選用
津海關副稅務司馬士給予三等第二寶星以示鼓勵理合附片
具陳伏乞

聖鑒訓示謹

奏

剝船困守籌給津貼片

光緒十一年六月初八日

再直隸官剝船隻承運江浙漕糧向於開凍後修艖二月閒南漕抵津卽分起裝運運赴通壩藉水腳以資餬口俟五六月閒全漕運竣例准駛赴附近各河攬載自謀秋冬生計本屆南漕原議提前趕辦正月初已飭天津道督飭楊村廳押令剝船一千九百餘隻趕緊修艖二月閒一律完工催歸水次聽候兌運乃法事未定南漕稽阻不能剋期北來各船空泊河干旣無水腳可得又不能違例他往攬載嗷嗷待哺困苦不堪臣前飭籌賑局酌撥高粱六百餘石並由天津道預借本年冬季工食略資調劑但每船所得無幾水手至萬餘人之多困守至三閱月之久直至五月底始行開兌各船戶債累層積據報帆槳錨纜多已押當無力歸贖不能開行正值漕艘連檣北上若不設法撫恤勢必貽誤轉運尤慮其

窮極生玩法之心偷盜攙和弊將百出防不勝防實於

天庾正供大有妨礙且本屆漕竣約在七八月以後將近封河勢不能如往屆之攬載獲利工食又已預借則三冬之衣食無出以萬餘飢餒無賴之眾散之地方亦恐擾民滋事疊據天津道萬培因署楊村通判姚豸具詳請撫前來臣查核確係實情所請實爲慎重漕務起見已商江浙糧道王毓藻廖壽豐卽由該糧道於漕項內每船另籌給津貼銀十兩由南省委員自行發給如此則困守時債累可紓漕糧得以及時轉運或更少留餘資爲禦冬之具亦不致意外之虞如再有偷盜攙和者嚴懲不貸庶恩威並用情法得平此因海防告警漕運愆期不得不妥籌撫恤嗣後運務照常斷不准援以爲例除咨行外所有官剝船戶困守過久苦累太甚現由江浙籌款撫恤緣由理合附片具陳伏乞

奏
聖鑒敕部知照謹

議覆開源節流摺

光緒十一年六月十四日

奏爲部擬開源節流各條逐一體察議覆仰祈

聖鑒事。前准戶部咨開會議籌餉一摺，單一分應由各省遵照辦理等因。當經分飭司道關局各就實在情形認真籌議，旋據分條具覆。前來竊維理財之法，誠不外開源節流二端。臣久更兵事，備歷艱辛，又忝任畿疆瘠苦之區，於生財節用之道，未嘗不力求實濟。凡有源可開而爲耳目所及，民情政體無礙者，無不斟酌施行。其一切用款，則必權其緩急輕重，是否在所必需，力戒浮糜嚴稽出入，無要者分別停緩，必需者亦不敢過事吝刻，致誤機宜。惟直隸土薄民貧，素鮮物產，實非南省可比，絕無利源可開而差繁事劇，災歉頻仍，出款皆有定章，亦無可分外節省之處。方今外患日迫，不得不亟謀自強，拱衛根本，海防爲久遠要圖，屢蒙